

FACULTATIS MEDICÆ

*In ALMA ac PERANTIQUA HIERANA*

p. t. DECANUS,

ejusdemque & Universitatis Senior,


**GEORGIUS CHRIS-  
TOPHORUS PETRI**

ab **Startenfels**/

Medicinæ Doctor, Sacri Palatii Cæsarei Comes,

Archiat. Electoralis Moguntinus, Consul & Phy-  
sicus Erffurtensis, P.P. PLC. &c.

*Lectori Philiatro S. P. D.*



ERFORDIÆ, Typis Job. H. Groschij, Acad. Typogr.



EXCERPTA MEDICINA

THE UNIVERSITY OF CHICAGO

LIBRARY OF THE  
BIBLIOTHEQUE

10. 2. 1880

JOHN G. B. 1811

THE UNIVERSITY OF CHICAGO

1979 21 80

09863002

1820

Dr. Doctor, Sach Palanj, Calicut, Comor

THE UNIVERSITY OF CHICAGO

Wando Co. Proprietors C. Co.

1892

Reich (a certain amount) of the same





**I**Nter illa bona, quæ ad humanæ felicitatis complementum præcipuè spectare, videntur , absque dubiò palmarium & quam maximè optabile est , MENS SANA IN CORPORE SANO: Hoc si benè valet, thesauro inæstimabili , & Cræsi divitiis potiore hominem, beat: quid enim conducerent Attalicæ opes, quid Sybariticæ mensæ , si morbo detento illis frui non esset integrum? usque adeò

*Robustus fossor Rege est felicior agrò.*

Pariter cum Microcosmi rebus benè comparatum est , quando cum prosperâ corporis valetudine simul Mens & ratiocinatio , quâ nihil præstantius nobis concessum est , & quâ à brutis distingvimur, salva est, & ab omni labe immunis: siquidem Mens sana divinitatis particeps in Regiâ suâ cerebro tanquam pro tribunali sedens per nuncios sensus percipit ea , quæ exterius geruntur , de iisdem accuratè judicat , & quid faciendum fugiendumque sit , exactè determinat: quando verò inania phantasmata illam obnubilant , errabunda deviatâ suo genio, meditatur absurda , oculos ad torvum intuitum, linguam ad odiosos sermones , dentes ad mordicationes,



manus pedesque ad nocivas actiones, totum hominem ad inkompositos mores instigans.

Sic oriuntur varia deliriorum genera, quando scilicet spiritus animales à variis causis aut nimis irritati, aut perturbati & in confusionē acti hūc illūc intra Cerebrum inordinatē & tumultuariē moventur, & sic animæ rationali phantasmata incongruē offeruntur, intellectus & voluntatis actibus inde mirum in modum depravatis.

Cum enim spiritus illi, quibus anima in obeundis actionibus principibus utitur, debeant esse temperati, tenues, puri, lucidi, atque in regulari & ordinato motu constituti, fieri nequit, quin, si quid horum desit, mentis alienationes & deliria contingant.

Horum nonnulla cum febre comite, ut phrenitis, paraphrenitis, & lethargus invadunt: quædam verò sine febre hominem aggrediuntur, non minore cum periculo: quorum in censu facilè prima occupat subsellia Mania, ἀπὸ τῆς μανῆς νόσεως, i. e. à solutione sive inanitate mentis secundum nonnullos ita dicta, affectus sanè horribilis diuturnus & truculentus, quā correptus Homo, alioquin animal plenum rationis & consilii, omni humanitate deposita totus obbrutescit, & ferinam naturam induit, non amplius est, quod fuit, fitq; ἐξάνθρωπος, & ex homine ratione prædito tantum non λυκάνθρωπος, immani furore percitus, aspectu torvus, ore procax, & vecors, manibus ferox, pedibus inconstans, omnia præter rationem agens, & nisi probè custodiatur, vincula admirandò & insolitò robore disrumpens, carceremque effringens: cum enim in sanguine ac succo nerveo maniacorum



eorum particulæ q̄s. nitrosulphuræ acerrimæ contine-  
antur , fieri nequit , quin spiritus animales stupendâ vi e-  
lasticâ sive explosivâ & longè supernaturalem positâ in  
hoc statu polleant : Nonnunquam ex insidiis sanam men-  
tem Maniaci simulant , interdum apertò Marte quosvis  
obvios , immò ipsum Medicum invadunt , sæpenumerò  
sibi ipsis violentas manus miserrimè injiciunt.

Quò mortis genere Ajax Telamonius obiisse credi-  
tur : cum enim Proceres Achivorum Achillis arma Ulys-  
si tanquam digniori adjudicassent , Ajax ignominiâ quasi  
notatus , & propter hanc sibi illatam injuriam furore ac-  
census , sibi ipsi vitæ finem imposuit , propriòque se gla-  
diò , quò ante plurimos interemerat , confodit. Sic de  
Cleombroto Ambraciota Callimachus recitat , eum le-  
ctò Platonis de animæ immortalitate libro , (incertum,  
an furore , vel immortalitatis amore accensum , ) è sub-  
limi murò in mare desiliisse.

Nec infrequens unquam fuit hoc malum : Mania-  
cuserat Cleomenes Lacedæmoniorum Rex , Herodotò  
referente , qui sceptrum cuiusvis obvio in faciem impingere  
solebat , eapropter à propinquis vinculis constrictus & in  
carcerem coniectus. Empedocles Agrigentinus Sicu-  
lus , Pythagoræ discipulus , furoris æstrò percitus im-  
mortalibus Diis se accenseri cupiens , noctu clam à sociis  
se subduxit , & ignivomum in Æthnam se præcipitavit ,  
detectâ tandem fraude , cum brevi post ferreæ crepidæ ex  
dicti montis camino ejectæ , atque ad suos delatæ fuissent.  
Sunt , qui Saulum primum Israëlitarum Regem furore  
tali agitaturn fuisse , existimant , postquam Spiritus Domi-



ni ab illo discesserat, & malus genius ipsius animum obfederat: cujus insaniam suavissimâ dulcedine dispellere potuit cythara Davidica.

Hunc affectum contemplatione dignissimum Speciminis Inauguralis locò tractandum suscepit Clarissimus & rerum Medicarum peritissimus Dominus

**JOHANNES FRIDERICUS**

**Schröder / Zdunensis-Polonus,**

cujus *Βιογραφία* brevibus heic annectere recepta consuetudo postulat.

Editus est in hanc lucem Aô post Christum natum 1670. Fraustadii à Parentibus honestissimis, Patre videlicet Virò admodum Reverendò, Clarissimò nec non doctissimò Dn. M. Petro Schöero, Ecclesiæ Zdunensis Seniore vigilantissimo, Scholæque ibidem Inspectore, adhuc superstite; Matrè verò Matronâ pientissimâ Helenâ Schöeriâ, Viri admodum Reverendi Dn. M. Johannis Lehmanni, Ecclesiæ Namslaviensis quondam Diaconi jamdudum beatè defuncti filiâ, pariter adhuc vivente. His Parentibus nihil fuit antiquius, quam ut dilecto suo filio ab ineunte ætate Pietatis & Artium fundamenta instillarent: quem in finem ad Scholas triviales ablegatum commiserunt Præceptoribus fidelissimis, videlicet Dn. Johanni Schupelio, ut & cuidam privato Informatori, Dn. Johanni Stanelio, Ss. Theol. Studio: Horum manu ductione per aliquot annos continuatâ magis magisque proficiens Gymnasium Uratislaviense Elisabethanum petijt, ubi per triennium commoratus Professores nactus est



est Viros Clarissimos, nempe Dn. M. Martinum Hanckium, Rectorem dictæ Scholæ meritisimum, qui Logicis & Ethicis rudimentis ipsum instruxit: ut & Dn. Conrectorem Danielelem Majorem, Græcæ linguæ, Poësis & Historiarum ibidem Professore: item Dn. Gottlobum Crantziū, Physicam & Oratoriam enucle antem: in Theologicis usus est *ἐδῆγας* seu ductore solertissimō Dn. M. Gothofr. Hermannō, Concionatore, simulque prælaudati Gymnasii Professore: Philosophico itaque cursu horum ductu feliciter absolutō suis ibidem commilitonibus valedixit, animumque statim ad studium Medicum adpulsit, per integrum annum in eadem Civitate in Anatomicis & Physiologicis *χαραγυρία* usus Nobilissimi nec non Experientissimi Viri Dn. Johannis Grebneri, Med. Doct. & Practici felicissimi, cui subinde plura bruta cultro anatomico subjicienti attentus adstitit Spectator: ut rerum chymicarum etiam acquireret notitiam, commendatus est insigni cuidam Chymico ibi degenti, cujus Spagyricis exercitiis & laboribus sedulō interfuit.

Quibus Medicinæ partibus pro virili perlustratis in celeberrimam Academiam Lipsiensem se contulit, ubi Virorum Excellentissimorum omnique laude majorum, Dnn. Doctorum & Professorum, nempe Dn. D. Bohnij, Petermanni, Ortlobij in publicis privatisque eorum lectionibus assiduus auscultator ultra anni dimidium fuit. Inde ad Athenæum Jenense se contulit, ibidemque per triennium subsistens Virum Magnificum atque Excellentissimum Dn. Georg. Wolfgang. Wedelium, Institutiones Mœbij & propria theoremata dexterrimè explanantem, in promptuarium materiæ Medicæ Macasij



commentantem, semeiotica, pathologica & therapevtica, formulas medicamentorum, & doctrinam de febribus singulari studio & privatis Collegijs tractantem; insuper Excellentiss; Virum Dn. Christophorum Schelhammerum, Chirurgiæ & Botanices Prof. P. in Schröderi materiam Medicam legentem, Chirurgiam docentem, Anatomicis tam publicis, quam privatis exercitijs sæpè vacantem, & quinque cadavera humana utriusque sexûs secantem; præterea Nobilissimum & Excellentissimum Dn. Jacobum Wolffium, Med. Doctorem & Professore extraordinarium, *νῦν ἐκείνῳ*, pariter anatomicis & Botanicis laboribus occupatum; ut & Nob. & Excellentissimum Dn. D. Adrianum Schlevogtium, Practicum & Physicum Jenensem frequenter audivit, sub quo etiam Collegium Chymicum experimentale, ut & Practicum clinicum in calamus dictatum habuit, atque sic horum suorum Dnn. Præceptorum auspicijs Studio Medico felicem Colophonem imposuit.

Tandem ad Hieranam ripam suam direxit cymbulam, ibidemq; in numèrum Civium Academicorum & Medicinæ Candidatorum receptus consuetis iisque rigorosis Examinibus ut subjiceretur, decenter petijt: Petiti compos factus talem se exhibuit, ut Facultas Medica illum judicaverit dignum, cui honores in Arte Medicâ supremi post præstita, quæ adhuc supersunt, præstanda conferri possint. Antequam autem desideratô potiatur brabeô, superest adhuc agonisma disputatorium die 8. Februarij, Deô dante, in Collegij Majoris acroaterio majore horis consuetis adornandum: quem actum disputatorium ut omnes Philiatrî suâ honorificâ præsentîâ condecorare dignentur, hóc ipsô officiosè ac peramanter rogantur & invitantur. Publ. Dominicâ Quinquagesimæ d. 3. Februarij, Annô M. DC. XCV.

(L. S.)